

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH broj: 12/03, 34/03 i 65/13), člana 18. Odluke o osnivanju Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija („Službeni glasnik Unsko-sanskog kantona“ broj 07/08, 5/13 i 4/15), Odluke Vlade Unsko – sanskog kantona o kriterijima za nominiranje/imenovanje članova Upravnog i Nadzornog odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ (“Službeni glasnik Unsko-sanskog kantona” broj: 6/15 i 7/15) i Zaključka Vlade Unsko-sanskog kantona broj: 03-02-11490-151/2025. godine, Ministarstvo za pitanje boraca ratnih vojnih invalida objavljuje

PONOVNI JAVNI OGLAS

ZA IZBOR I IMENOVANJE NA POZICIJE PREDSEDNIKA I ČLANOVA UPRAVNOG ODBORA JAVNE USTANOVE “KANTONALNI FOND ZA POMOĆ U STAMBENOM ZBRINJAVANJU I ZAPOSŁJAVANJU BORAČKIH POPULACIJA, PROGNANIH OSOBA I SOCIJALNO UGROŽENIH KATEGORIJA,,

I Predmet

Raspisuje se Javni oglas za izbor i imenovanje na pozicije predsjednika i članova Upravnog odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ (u daljnjem tekstu: Kantonalni fond).

Upravni odbor Kantonalnog fonda čini pet članova, uključujući i predsjednika, od kojih su:

- jedan član - ispred porodica šehida,
- jedan član - ispred ratnih vojnih invalida,
- jedan član - ispred demobilisanih boraca,
- jedan član - ispred osnivača,
- jedan član - ispred Kantonalnog fonda.

II Mandat i naknada za rad

Predsjednik i članovi Upravnog odbora Kantonalnog fonda imenuju se na period od četiri godine, uz mogućnost ponovnog izbora, sa pravom na naknadu za svoj rad, a naknada se isplaćuje iz sredstava Kantonalnog fonda.

III Opis pozicije predsjednika i člana Upravnog odbora Kantonalnog fonda

Predsjednik Upravnog odbora saziva sjednice Upravnog odbora, predlaže dnevni red i predsjedava sjednicama, potpisuje odluke i druge akte donesene na sjednici Upravnog odbora, stara se o primjeni Pravila, drugih općih akata i propisa i Poslovnika o radu Upravnog odbora, stara se o pravovremenom izvršavanju programa rada Upravnog odbora, stara se o ostvarivanju saradnje Upravnog odbora Kantonalnog fonda sa zakonodavnim tijelom kantona, Vladom Kantona, resornim ministarstvom i drugim organima i organizacijama, vrši i druge poslove

određene Pravilima Kantonalnog fonda, Poslovnikom o radu Upravnog odbora, drugim propisima i općim aktima Kantonalnog fonda.

Predsjednik i članovi Upravnog odbora donose Pravila Kantonalnog fonda, opći akt o unutrašnjoj organizaciji uz saglasnost Vlade Unsko-sanskog kantona, imenuje i razrješava direktora Kantonalnog fonda uz saglasnost Vlade Kantona, donosi Odluke iz oblasti djelokruga rada, donose planove i programe izgradnje i prodaje stanova na koje saglasnost daje Skupština Unsko-sanskog kantona, donosi godišnji plan i program rada, donosi Poslovnik o radu Upravnog odbora, prati realizaciju planova i programa izgradnje i prodaje stanova, vrši kontrolu namjenskog i racionalnog korištenja sredstava, utvrđuje kriterije za usmjeravanje i raspoređivanje sredstava i dodjelu izgrađenih stanova, donosi finansijski plan, odlučuje o prigovorima korisnika usluga na rad i zaposlenike, predlaže osnivaču promjene djelatnosti i statusne promjene, donosi Pravilnik o radu i unutrašnjoj organizaciji uz saglasnost Vlade, donosi opće akte u skladu sa zakonom, drugim propisima i Pravilima, rješava sva pitanja odnosa sa Osnivačem, odlučuje o raspoređivanju sredstava, odgovara Osnivaču za rezultate rada, vrši i druge poslove u skladu sa zakonom, drugim propisima, pravilima i drugim općim aktima Kantonalnog fonda, odlučuje o raspoređivanju sredstava, vrši i druge poslove u skladu sa zakonom, drugim propisima, pravilima ili drugim općim aktima Kantonalnog fonda.

IV Kandidati za imenovanje na pozicije Upravnog odbora Kantonalnog fonda treba da ispunjavaju:

- opće i
- posebne uslove.

a) opći uslovi za imenovanje:

Svi kandidati za pozicije Upravnog odbora Kantonalnog fonda, koji su predmet ovog Javnog oglasa, treba da ispunjavaju sljedeće opće uslove:

1. da je stariji od 18 godina,
2. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
3. da se na njega ne odnosi član IX Ustava Bosne i Hercegovine.

b) Posebni uslovi za imenovanje:

Svi kandidati za pozicije Upravnog odbora Kantonalnog fonda koji su predmet ovog Javnog oglasa pored općih uslova, treba da ispunjavaju i posebne uslove i to:

1. da je državljanin Bosne i Hercegovine,
2. da ima visoku ili višu školsku spremu, ili diplomu visokog obrazovanja 180 ili 240 ECTS bodova,
3. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
4. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine,
5. da ne obavlja djelatnost konkurentnu djelatnosti Kantonalnom fondu,

6. da mu nije odlukom suda zabranjeno obavljanje poslova na poziciji za koju se kandiduje,
7. da nije osuđivan za krivično djelo i privredni prestup nespojive sa dužnošću Kantonalnog fonda za koju se kandiduje, pet godina od dana pravosnažne presude isključujući vrijeme zatvorske kazne,
8. da nema privatni finansijski interes u javnoj ustanovi u kojoj se kandiduje,
9. da se protiv njega ne vodi krivični postupak.

V Potrebni dokumenti:

Uz prijavu na Javni oglas kandidati su dužni priložiti sljedeću dokumentaciju (original ili ovjerenu fotokopiju):

1. kraću biografiju, adresu i kontakt telefon,
2. izvod iz matične knjige rođeni (original ili ovjerena fotokopija ne starija od 3 mjeseca od dana izdavanja),
3. uvjerenje o državljanstvu (ne starije od 3 mjeseca od dana izdavanja),
4. uvjerenje od poslodavca da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije ili izjavu kandidata (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
5. izjavu kandidata da se na njega ne odnosi član IX 1. Ustava Bosne i Hercegovine, tj. da nije pod optužnicom od strane Međunarodnog tribunala za bivšu Jugoslaviju (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
6. dokaz o školskoj spremi/diploma (original ili ovjerena fotokopija od strane nadležnog općinskog organa ili notara),
7. dokaz o radnom iskustvu, stručnom usavršavanju,
8. izjavu da nije na funkciji u političkoj stranci u smislu člana 5. Zakona o ministarstkim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine" broj: 12/03, 34/03 i 65/13). Ukoliko je kandidat član upravnog, izvršnog ili drugog organa političke stranke, u tom slučaju treba dostaviti ovjerenu izjavu da će ukoliko bude izabran u Upravni odbor, prije preuzimanja dužnosti odstupiti iz upravnog, izvršnog ili drugog organa političke stranke (ovjerena i potpisana od strane nadležnog općinskog organa ili notara, ne stariju od dana objave ovog Javnog oglasa),
9. izjavu o činjenicama nabrojanim u tačkama 4., 5. i 8. Posebnih uslova (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
10. uvjerenje o činjenicama nabrojanim u tačkama 6., 7. i 9. Posebnih uslova,
11. uvjerenje /dokaz da je kandidat, kandidat ispred porodice šehida/poginulog borca, ispred ratnih vojnih invalida, ispred demobilisanih boraca, ispred osnivača, ispred Kantonalnog fonda,

VI Ostale napomene

Svi kandidati koji budu ispunjavali opće i posebne uvjete, odnosno budu ušli u uži izbor bit će pozvani na intervju. Uz poziv za intervju, kandidati će dobiti obrazce u kojem će iznijeti bilo koje pitanje koje bi moglo dovesti do sukoba interesa u slučaju da dođe do konačnog

imenovanja (obrazac o sukobu interesa) odnosno da navedu rukovodioca koji može dati preporuke i informacije o tom kandidatu (obrazac o preporukama).

Prilikom intervjua komisija može tražiti podatke od neposrednih ranijih rukovodilaca, preporuke o kandidatima.

Prilikom izbora uzet će se u obzir stručno znanje iz djelatnosti Kantonalnog fonda, rezultati ostvareni u dosadašnjem radu i stručno usavršavanje, sposobnost upravljanja finansijskim sredstvima i ljudskim resursima, sklonost prema timskom radu, komunikacijske i organizacijske sposobnosti, kao i radno iskustvo na poslovima rukovodećih državnih službenika.

Konačno imenovanje će se objaviti u „Službenom glasniku Unsko – sanskog kantona“.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Službeni glasnik Bosne i Hercegovine“ broj: 12/25).

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji Bosne i Hercegovine.

Javni oglas ostaje otvoren 15 dana od dana objavljivanja u “Službenim novinama Federacije Bosne i Hercegovine“, a objavit će se i u dnevnom listu velikog tiraža, web stranici Vlade Unsko-sanskog kantona.

Prijave sa svim traženim dokumentima dostaviti lično ili poštom na adresu:

Vlada Unsko-sanskog kantona – Komisiji za izbor

Ul. Alije Đerzeleza br. 6 Bihać

Sa naznakom:

Prijava na Javni oglas za imenovanje predsjednika i članova Upravnog Odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija - **NE OTVARAJ**

U prijavi kandidati su dužni označiti za koju se poziciju kandiduju.

Neblagovremene prijave neće se razmatrati, a nepotpune i neuredne prijave biti će odbačene.